

1935

საქართველოს
საბავშვო ჟურნალი
1935

ქვემოქმედება



N 7
19 სანადობაში 35



ოქტომბრელი

№ 7

ივლისი, 1935 წ.

საბ. პ. ლ. კ. კ. ცეკასა და საბ. განსახორმის ერთობიური ჟურნალი

მისამართი: კიროვის ქ. № 7

შინაარსი

1. ჩემს დას ტატიანას (ლექსი) — გიორგი კაჭახიძისა	1
2. ვივის სიზმარი (მოთხრობა) — ქვენია სიხარულიძისა	1
3. ჩემი მეზობლები — მარია და დარია (ლექსი) — ი. გრიშაშვილისა	3
4. რეზო (მოთხრობა) — ლავრ. ჭიჭინაძისა	3
5. სურათები (ლექსი) — დ. ბერიკაშვილისა	4
6. მინდა დიდი ვაგზბუ (მოთხრობა) — ნ. ტყეშელაშვილისა	5
7. გაზაფხულის დილა (ლექსი) — ა. ნიორაძისა	5
8. ჯილდა (მოთხრობა) — რეზიკოსა	6
9. იათამუხის მნახველები (ლექსი) — ი. ჭარელიშვილისა	8
10. ტბა (მოთხრობა) — თ. ჩერქეზიშვილისა	8
11. ყვავი და იადონი (მოთხრობა) — მ. სიბირაიკისა (თარგ. შ. ვაფრინდაშვილისა)	9
12. ჩვენი ქუჩა (ლექსი) — ნიკ. შვედიძისა	14
13. წიგნზე გამარჯვებულნი (მოთხრობა) — მ. გიგაურისა	14
14. პიონერთა ბანაკობა — ლ. ს-ლისა	16

გაფრთხილება

15. გაზაფხული (ლექსი) — ლ. ტაბუკაძისა	16
16. შიო მღვიმელს (ლექსი) — პ. მარისვილისა	16
17. მელა (ლექსი) — კ. ხუფსისხიბრელია	16
18. გამომგონებელი	
19. გამოცანები — კ. თევზაძისა	

ყლა და ილუსტრაციები მ. თარიშვილისა

სარედაქციო კომლეგი: ლ. შახვიანი, პ. რიხვიანი (პ/მ. რედ, მავიერი), ან. ღვინიაშვილი, ლ. საბახტარაშვილი, შ. თაბუკაშვილი, ცემიტი, ლავრ. ზიზინაძე (პ/მ. მღვინი).

ჩემს დას ტატიანას

ბარათები სუფთა, ნაზი
ხშირად მომდის და, შენგან;
არ მივიწყებ, და ჩემს გულში
ხალისი და სითბო შეგაქვს.
ხან მაკინებ, ხან წიგნებს მთხოვ,
ხან მაჯავრებ, მკიცხავ ნელა...
მაინც, გოგოვ, დის სიტყვები
ძვირფასია ჩემთვის ყველა.
დიდი ვახდი, დავიქალღი,
დინჯად გავლა უკვე გშენის.
არ ცუდლუტობ, და მახარებს
მოქცევა და აზრი შენი!
მუყაითმა შინ და გარეთ,
შეუშნატე ტვირთი დედას.
ახლა თამაშს ადრინდულად
გიფი ფისო ვერ გიბედავს.
თურმე ჯავრობს, ხმას ვერა გცემს
და ეზოში ჩუმად დადის...
ნეტავ, ერთი დამანახა
მარტოობა ცელქი კატის!
ზაფხულია. ვიცი, სოფლად
აქვთ ფრინველებს ტყეში ღხინი.
ხშირად წვიმს, და მიწა ყვავის
და მწიფდება ბაღში ხილი.
პატარები თავზე ქულად

იხურავენ ფოთლებს ნაზებს,
ბურთაობენ, იცინიან
და მღეროიან მერცხლის ხმაზე.
აქ სიცხეა... მომენატრა:
გრილი ჩერო, სიო წყნარი.
მომენატრა: თბილი მკაღი,
თიხის კეცზე გამომცხვარი.
ხშირად ვფიქრობ, ხშირად ვამბობ:
ფრთებს გავშლი და სოფელს ვნახავ...
აღობათ, გოგოვ, მალე მოვალ
და მოგიტან წიგნებს ახალს.
ბავშვის გულით ფეხს დავადგამ
ფართო მინდვრებს კალმით ნახატს,
შვეალ ტყეში და მუხებზე
ფრინველების ბუდეს ვნახავ.
მდინარეზე ბადეს გავშლი,
ალარ მივსცემ თევზებს საშველს.
ჩაის ბუჩქის ტოტს დავარხვე
და ფოთლებთან ვითამაშებ.
წიგნებს გავშლი, ლექსსაც დავწერ,
მხეს ვუმღერებ ყოველ დილით...
ფიქრი ნუ გაქვს, მალე მოვალ
და მინდვრებში ერთად ვივლით!

გიორგი კაჭახიძე

გივიის სიზმარი

გივიმ რამდენიმე დღე ივადმყოფა.
ცელქსა და მოუსვენარს მობეზრდა ოთხ
კედელში ყოფნა. მოენატრა საბავშვო
ბაღი, მეგობრები, თამაშობა, მოენატრა
ქუჩაში განავარდნა. ყველაზე ძალიან
„ბატიბუტი“ მოენატრა. საბავშვო ბაღი-
დან დაბრუნებული ხშირად ყიდულობს
„ბატიბუტს“ ბებრისაგან, რომელიც ქუ-

ჩის კუთხეში ზის. ბებერი იცნობს გივიის,
დანიხავს თუ არა, ააცხებს ჭიქას და
ლურჯი ხალათის ჯიბეში ჩაუცლის. თუ
გივიის ფული თან არა აქვს, ნისიად
იღებს; ასეთი ნდობით ხარგებლობს პა-
ტარა მყიდველი „ბატიბუტის“ გამყიდ-
ველთან.



ავადყოფობის შემდეგ გივის მისცეს თუ არა ოთახიდან გამოსვლის ნება, დედას თხოვნით მიმართა: — დედიკო, ქუჩაში წავაო!

— არ შეიძლება, გაცივდები: შეგიძლია აივანზე გახვიდე, — მიუგო დედამ. თბილად ჩააცვა და მზიან აივანზე გავლის ნება მისცა.

გივი მესამე სართულზე ცხოვრობს. მისი ბინის აივანი ქუჩას გადაჰყურებს. აქ ხშირად იცის ჩამოვლა მისმა ნაცნობმა ბებერმა ბატიბუტიანი კალათით. იქნებ დღესაც გაუღიმოს გივის ბედმა და ჩამოიაროს! მოაჯირზე დაყრდნობილი, მოუთმენელი ლოდინით გასცქერის ქუჩას. გონებაში „ბატიბუტი“ უტრიალებს. არცერთ ხილში, არცერთ ტკბილეულში არ გაცვლის ახლა მას. სადილობის დრო მოაწია.

— გივი, შემოდი, ისადილე! — ეძახის დედა.

— არა მშია! — ნერვიულად პასუხობს გივი. თხოვნა-მუდართი შეყავთ გივი სასადილოდ. ისადილა და ისევ აივანზე გაიქრა. გაფაციცებით ადევნებს თვალს გამვლელებს. ბებერი არ ჩანს. თითქოს ჯიბრში ჩაუდგა გივის. ლოდინში გავიდა დღე. დაბინდა. ისევ მუდართით შემოყავთ გივი სახლში. მის სახეზე უკმაყოფილებაა.

შეილო, ისევ ავად ხომ არა ხარ? — ეკითხება შემინებული დედა და ილღიაში თერმომეტრს უკეთებს. სიცხე არა აქვს.

— რა მოგივიდა, შეილო?

გივი არ ამბობს უკმაყოფილების მიზეზს. რვა საათზე გივის ჩაი დაალევიწნეს და ჩააწვინეს. რამდენიმე წუთის შემდეგ მშვიდი სუნთქვა ისმოდა.

— საბრალო ბავშვი, მთელი დღე აივანზე გაატარა, მობეზრდა სახლში ყოფნა, — ეუბნება სამუშაოდან დაბრუნებულ გივის მამას დედა.

მამა ღიმილით დააცქერდა მძინარე ბავშვს. ჩაის შემდეგ უფროსებიც მოსვენებას მიეცენ. ოთახს ღამის სანათური მკრთალად ანათებს. გივის ლოგინი დედის ლოგინთან დგას. ძილში გივი შეიშმუნა. სიზმარს ხედავს: აივანზე დგას. ელოდება ბებერს ბატიბუტიანი კალათით. საღამოვდება. ქუჩაში სინათლე კაშკაშებს. გივის მოთმინება ეკარგება, მაგრამ აი, ქუჩის კუთხეში ნაცნობ ბებერს მოჰკრა თვალი და გახარებულმა მთელი თავისი ძაღლონით დაიყვირა: „ბატიბუტი!“ ძახილზე მშობლებს გაეღვიძათ. ლოგინში წამოიჯდარი გივი თვალებს იფშენეტდა. ვერ გაერკვია სად იყო. მიიხედ-მოიხედა, მშობლები დაინახა. ხედავს: ოთახში არც ბებერია და არც ბატიბუტი. ესმის სიცილი. მიხვდა, რომ სიზმარი ნახა. შერცხვა, მაგრამ არ შეიმჩნია. მოიხვია საბანი და ბალიში ჩაიმალა. რამდენიმე წუთის შემდეგ ისევ ტკბილად ჩაეძინა.

მეორე დღით სიცილით იგონებდნენ გივის სიზმარს.

ქსენია სიხარულიძე.



ბავშვების გულისათვის
წაიჩუბნენ დედები:
— თვალმც გამოგხეთქია,
რომ კიდევაც მედრები?!

ბავშვების გულისათვის
წაიჩუბნენ დედები:
— ქოფაკივით ლაქლაქებ,
აქეთ-იქით ეღებო.

ბავშვები კვლავ შერიგდენ,
ერთად იწყეს ცელქობა,
გუშინდელი ამბავი
აღარ ახსოვთ, ეტყობა.
მაგრამ მათი მშობლები—
მარია და დარია —
ხმას არ სცემენ ერთმანეთს,
დღესაც მწყურალად არიან.

იოსებ გრიშაშვილი

რ ე ზ ი

ღია ფანჯრები ნელა ქანაობს, ნელი
სიო ეთამაშება, იკრება ოთახში და ლო-
გინში ჩაწოლილ რეზოს ქუჩუჩა თმას
საამურად ფურჩქნის, თითქოს დედის
ალერსიანი ხელის თითებია.

რეზო ვერ ითმენს ოთახში, სკოლის
ამხანაგები აგონდება, მაგრამ კარში არ
უშვებენ. დედა სულ თავთან უზის, უყ-
ვება ზღაპრებს, მაგრამ მაინც ხშირად
აიკვიატებს ხოლომე:

— დედიკო, ახლა აღარა მიშავს რა,
ავდგები.

— არა, შვილო, დიდი სიცხე გაქვს,
არ შეიძლება, — დედისაგან მუდამ ასეთი
დამამშვიდებელი სიტყვები ესმის პასუხად.

ბავშვი მალღისკენ წამოწეული მხრე-
ბით ისევ ლოგინში ეშვება. არ უნდა
ლოგინი, მაგრამ რას იზამს, როცა ექი-
მისა და დედის რჩევა ერთნაირია.

— ამხანაგები რატომ არ მოდიან? —
კითხულობს დაღლილი რეზო.

— როცა გაიგებენ, მოვლენ.

— როდისღა? როცა ავდგები?

— ალბათ არ იციან.

— როგორ არ იციან, გამოცდებზე
ერთად უნდა ვყოფილიყავით.

— ჰოდა, აქ როგორღა მოვიდოდნენ!

— აი რა ვუთხრა ამ ავადმყოფობას, —
თანაც ამოიხვნეშა. პატარა გულ-მკერდმა
ქრელი საბანი ამოხნიქა, მერე ისევ ნელა
დაეშვა. — მაშ მე იმავე კლასში უნდა
დავრჩე, — და თავი ვადააქნია.

დედა ისევ ჩვეულებრივი ღიმილითა
და მოფერებით ამშვიდებს. მისი მოღიშარი
სახე ავადმყოფი ბავშვის გულის მალამოა.

რეზოს აღარ აქვს სიცხე, მაგრამ თავს
კი უფრო ძაბუნად გრძნობს. კარში აღარ
იწევს. მერევე ხუთშაბათია ლოგინში წევს,
ჯავრობს ძალიან, გამოცდები უმისოდ





ისინი ხმაშეწყობილად ტოკიკებენ,
თითქოს რეზოს უმღერაინ.
ჩიტებმა მზის ამოსვლამდის იმღერეს,
მზე რომ ამოვიდა, შეწყდა მათი ხმა.
საღლაც დიამაღნენ.

ნაშუადღევს რეზოს ოთახში ბავშვების ხმა შემოიკრა. ისინი ხმაზე იცნო: მისი სკოლის ამხანაგებია. სიხარულით წამოიშართა და ლოგინში დაჯდა.

ბავშვები ოთახში შეცქრილდნენ, რეზო მოიკითხეს... სიხარულით ელაპარაკებოდნენ ერთმანეთს.

— რეზო, კარგად გახდები, ნუ გეშინია, სკოლაშიც კარგად არის შენი საქმე. გიშველა მთელი წლის კარგმა ნიშნებმა, გადაყვანილი ხარ! — უამბო ერთმა ამხანაგმა.

რეზოს სახე გაუბრწყინდა. სიხარულით თვალეში აუთამაშდა. მისი სველი თვალეები უცნაურად აციმციმდა, მერე ხმა-მალლა წამოიძახა:

— უჰ, რა კარგია, ძანწავლებლებს რომ ვახსოვარ!

ლაგრ. ჰიჰინაძე

ს უ რ ა თ ე ზ ი

მზემ დააცხუნა მიწას,
ალარ სისინებს ქარი,
და გაზაფხულმაც უკვე
შემომატვრია კარი.

თოვლი არ არის ბარში,
დღემ შეიცვალა ფერი,
გადახნულია ბევრგან
კოლმეურნეთა ველი.

შეხედეთ, აგერ ფარცხი
კბილით აქუჩებს კლერტებს,

ტრაქტორს არა აქვს მარცხი,
ხნავს და აბრუნებს ბელტებს.

იღვიძებს, იფურჩქნება
ყველა ხეხილი ბალში,
ერთგულად მუშაობენ
კოლმეურნენი ზვარში.

მზემ დააცხუნა მიწას,
ალარ სისინებს ქარი,
და გაზაფხულმაც ზამთრის
შემომატვრია კარი...

დავით ბერიკაშვილი.

მინდა ღიღი გაკხდე

პატარა ვანოს, წითელარმიელის შვილს, ძალიან მოსწონს, მის მამას ამხანაგები როგორ აძლევენ სალამს. ფიქრობს: როგორ მოიქცეს, რომ მასაც იმისთანა სალამი მისცენ? დგას დაღონებული კარებთან. უცებ რაღაც აზრმა გაუელვა თავში, გამხიარულდა. ამ დროს მამაც დაბრუნდა შინ. პატარა ვანო მამას მივარდა:

— მამილო, ჩემო მამილო, მინდა ღიღი გავხდე!

— შვილო, გაიზრდები და ღიღი იქნები...

— არა, მე ახლა მინდა ღიღი გავხდე!

— შვილო, მე არ ვიცი ამის წამალი, — ეცინება მამას, — და თუ იცი, თქვი.

— აი, მამა, დედამ შემიკეროს ჩარლსტონი და ღიღი გავხდები. ყველა ძია, რომლებიც შენთან მოდიან, სალამს მომცემს! — თავმომწონედ დაათვა ვანომ.

— კარგი, შვილო, კარგი! აი დედაც მოდის. მე თანახმა ვარ დედამ შეგიკეროს ჩარლსტონი.

მამამ გადასცა თავის მეუღლეს ვანოს სურილი. დედა დაეთანხმა.

ვანო გამხიარულდა: დარბის, ხტის, იცინის. მთელი დღე იცელქა, მოილაღა და აღრე დაეძინა.

ხედავს ვანო სიზმარში, რომ ის ჩარლსტონში გამოწყობილა, ყელზე წითელი ყელსახვევი გაუკეთებია. დგას თავისუფლების მოედანზე, მალლა, ესტრადაზე, მამასთან ერთად. მის წინ ჩაირგს წითელი დროშებით, ლენინისა და სტალინის სურათებით, სიმღერითა და მუსიკით.

მოდიან პიონერები, კომკავშირელები, შემდეგ ჯარის ნაწილები... რა ლამაზად არიან ჩაცმული! მაგრამ ყველაზე უფრო მოსწონს ცხენოსანი ჯარი... როგორ ბრწყინავენ, რა მწყობრად მოდიან!..

ყველამ სალამი მისცა მას, როგორც მის მამას. საზღვარი არა აქვს მის სიხარულს. მამამ წასჩურჩულა: შენ საპასუხო სალამი მიეციო. ისე, ისე გატაცებული იყო, რომ ეს დაავიწყდა, მაგრამ ცოტა ხნის შემდეგ სამხედრო სალამის მისაცემად ასწია ხელი და სიზმარში მყოფმა დედას ცხვირში ამოჰკრა.

ნინო ტყეშელაშვილი

გაზაფხულის დილა

ვიშ, რა შეენის მიდამოს გიჟი სიოს შრიალი, თვალუქუნა ყვავილებს ნამის ნაზი ციალი! მხურვალე მზეს ამოსვლა მთების ნაპრალებიდან, დედეს კლდეზე ჩუხჩუხი გამოქცეულს მთებიდან,

ტრაქტორებს კი გუგუნით ბელტის გადმოგორება, ბაბუს — ტქერა, ღიმილი და ჩიბუხის ბოლები, რა კარგი ხარ, ლამაზი, გაზაფხულის ბუნება, დილა ტკბილი აღერსით გეტრფის, ვესალბუნება!

ავთანდილ ნიორაძე

ჯილდა

I



ქვეიანი ძალლი იყო ჯილდა. პატრონს ის ძალიან უყვარდა. ცირკში ართობდა ხალხს, ათასნაირ ნომერს აკეთებდა.

ცირკი გაქვდილია. ახლა ჯილდას რიგია, ის უნდა გამოვიდეს. ბავშვები ტაშს უკრავენ.

უკანა თათებზე შედგა ჯილდა და გამოვიდა ცირკის ასპარეზზე. ჯამბაზმა სალტე მიუშვია. ისეუბა ჯილდამ და გახტა სალტეში. შემდეგ ბურთი გადაუგდეს. ჯილდამ აპკრა ცხვირი და ასე რამდენჯერმე ააბურთავა.

ბავშვები სიცილით კვდებოდნენ...

აი, გამოიტანეს ლანგარი, რომელზედაც ორი ბოთლი და პატარა ტიქაა. ჯილდამ ჯამბაზს მიართვა ეს ლანგარი.

მერე რა მოხდა?

მერე ირემი გამოიყვანა ჯილდამ, წინ მიუძღოდა, ბაწარი „ხელში“ ეჭირა. ირემზე კი მამალი შესეკუპულიყო.

ტაშისცემით გააცილეს ჯილდა ასპარეზიდან.

ხშირად გამოდიოდა ცირკში ჯილდა. მათი ცირკი სხვადასხვა ადგილას მოგზაურობდა. ერთ დღეს გალიაში ჩასვეს ჯილდა და საქონლის მატარებლით გაამგზავრეს. ჯილდას ჩაეძინა ვაგონების ხმაურში. გავიდა ხანი. ჯილდას ვაგონი გადაქანდა, გალიის კარი გაიღო, და ჯილდა გამოხტა. მატარებელი გაჩერდა. როდესაც ჯამბაზმა ვაგონის კარი გააღო, ჯილდა შეუმჩნეველად გაძვრა და სოფლის გზას დაადგა.

II

სოფელში შევიდა. ერთ აივანზე ქალი იდგა. ჯილდას მოშივდა. მას გაახსენდა, რომ როდესაც საქმელი უნდოდა

უკანა თათებზე უნდა შემდგარიყო და პირი დაეღო. ახლაც ასე მოიქცა და იმ უცნობ ქალს მიაშურა. ქალი გაცოცხდა, მიხვდა, რომ ეს ძალღი დაწვერ-
 თნილი იყო და აქამა. დარჩა ჯილდა ნუ-
 ცასთან. ერთხელ ნუცას ცხენი წაბლა
 ბალახს ძოვდა. ჯილდა გაეთამაშა მას,
 წინა თათებზე დადგა და კუდი შიგ ცხვირ-
 თან მიუტანა ცხენს. წაბლა დაფრთ-
 ხა და წიხლი ჰკრა. საწყალი ჯილდა
 ღობეს მიასკდა.

ნუცას საკუქნაოს კარი და ფანჯარა
 გაეღო. შეძერა ჯილდა საკუქნაოში, შე-
 ახტა ფანჯარას, საღატეს მიაშვავსა და
 შიგ ვახტა.

ფანჯარასთან იდგა ყვავილიანი ქო-
 თანი. წამოდგა ჯილდა ქოთანს, გადა-
 ვარდა ქოთანი და ყურთან გაუარა ნუ-
 ცას, რომელიც ფანჯრის ქვეშ იდგა.
 შეშინდა ნუცას, აკანკალდა: თავში რომ
 დამცემოდა, ხომ მომკლავდაო!

ერთხელ ნუცამ სარეცხი დარეცხა და
 თოკზე გაკიდა. შეხედა ჯილდამ, გაახსენ-
 და ცირკი, გავიდა თოკზე და უკანა თა-
 თებზე შემდგარმა დაიწყო სეირნობა. სა-
 რეცხი ზოგი დაისვარა, ზოგი ძირს ჩაეარ-
 და. დაინახა ნუცამ, დაავლო ცოცხს ხელი
 და გამოუდგა. წინ ჯილდა და უკან ნუცა!

ნუცამ ფანჯარასთან მიაყუდა კიბე,
 მერე შევიდა ოთახში და სასადილო მა-
 გიდას მიუჯდა. ნუცას ნისლა ძროხა
 რქენია იყო. მას აეშვა და გემრიელად
 შეეჭტეოდა მწვანე კოლინდარს. შეხედა
 ჯილდამ, ხედავს — თოკი მისთრევეს. და-
 ავლო თოკს კბილი, წინ გაუძღვა ძროხას,
 როგორც ცირკში ირემს, მაგრამ ძრო-
 ხა გაუძალდა, გამოეკიდა. გარბის ჯილდა,
 მისდევს გაცოფებული ნისლა! შეხტა
 ჯილდა კიბეზე, მაგრამ კიბე დაცურდა.
 იმდენი იმარჯვა ძალდმა, რომ ფანჯარას
 მიასკდა, იქიდან კი ზედ სასადილო მაგი-
 დაზე მოადინა ბრავგანი. ვადაბრუნდა მა-
 გიდა, ნუცას გადაესხა ცხელი ღობიო,
 შეიქნა ერთი წივილი-კივილი...

შეშინებული ნუცა ძლივს დააწყნა-
 რეს მებობლებმა. სახეზე ფერი აღარ
 ედგა.

გაბრაზდა დიასახლისი, დააბა ჯილდა...



სამი დღის შემდეგ ჯილდა ისევ ცი-
 რკის ასპარეზზე იყო და ირემს დაუძლო-
 და წინ. არა, ჯილდა ცირკიდან აღარ
 გაიპარება!

რეზიკო.



აგერ უკვე ხუთი დღეა
 იათამეზე წევს და გმინავს,
 ბორგავს, კენესის, სიცხეშია,
 მოუსვენრობს, არა სძინავს.
 ძირს ჯავრიაც მოწყენილა,
 გრძნობს: ავად ჰყავს მეგობარი...
 ძველებურად თავის ლექვებს
 არ ართობს და არ დაჰხარის.
 ბიჭის ნახვის სურვილი კლავს,
 დღე დღეს მისდევს ასე ჯავრით,
 აგერ კიდევ მან ლექვებით
 შემოაღო სახლის კარი.
 მივიდა და მიუტუტქდა
 ავადმყოფის საწოლის გულით...
 ეს ჯავრია გაზრდილია
 იათამეზს რძით და პურით.

კულს აქანებს აქეთ-იქით,
 თათით საბანს გვიღება,
 პირფუნთოშმა ლეკვი დედას
 ყვფით კულზე ეკიდება.
 გაეღვიძა იათამეზს,
 დაინახა მეგობრები,
 მზიარულად გადახედა,
 აუტოკლა გული შვებით.
 — ჩემო კარგო საყვარლებო,
 მომიხვედით სანახავად?!
 რატომ თქვენთან არ ვცქირილებ,
 რატომა ვარ ახლა ავად?!
 აჰა, შუქურ, აჰა, ჯავრი,
 გაისველეთ ამით ყელი, —
 ძალღს ჩიჩია შესთავაზა
 და შუქურას თეთრი ყველი...

იოსებ ჰარელიშვილი

ტ ბ ა

მზე ამოდოდა. ტბა ცელქი ნი-
 ვისაგან ირხეოდა. მზეს, რომელიც მას
 ლამაზი კაბით რთავდა, თავს უკრავდა,
 ტალღებს ათამაშებდა. ტბა მზეს შესცი-
 ზოდა, რომელიც მის კამკამა წყალში
 იხედებოდა და ამბობდა:

— რა ლამაზი ვარ! ქვეყანას ვანა-
 თებ და ვახლისებ! უჩემოდ რა საშინე-
 ნელება იქნებოდა! მაშინ ხომ ყველა-
 ფერი მოლუშული, ჩაბნელებული და
 ცივი იქნებოდა!

ასე ამბობდა მზე და თან იღიმებო-
 და. მისი ღიმილის ოქროსფერი სხივები
 ირგვლივ ყველაფერს ეხვეოდა.

გავიდა დრო. მზე ცაზე გასწორდა,
 გაიმართა.

ტბასაც თითქოს მოსწყინდა ერთ
 ადგილას ქანაობა. დააპირა გადმოსვლა
 აკენის მსგავს ლელით დაფარულ კალა-
 პოტიდან. სცადა. ლელმა არ გაუშვა.

ტბა დაღონდა. მისი პატარა ტალღების
 თამაში და გორაობა შეჩერდა. დაწყნარდა.
 სარკესავით გადიტკივა. ფიქრში გაერ-
 თო: წარმოადგინა, თითქოს თვალუწყ-
 დენელ მინდორში გადასულიყო, ხუტუ-
 ქა ტყესთან ახლო მიჭირილიყო. დიდ
 ხეებს ებახებოდა. ასეთი ოცნებით გა-
 ტაცებულია ერთი კიდევ ამოიწია აკვან-
 ში ჩაკრული ბავშვივით, მაგრამ კალაპო-

ტიდან ვერ გადმოვიდა. დამშარებული
 ისევ შეჩერდა, თავის დონეზე დადგა.

ამ დროს ტბის საყვარელი იხვები
 წამოიშალნენ, პაწაწა შესრიალდნენ. ლე-
 ლი აშიშინდა. ტბა სულ გაინახა, რად-
 გან პაწაწა გაიჭრა. ლალად გაშლილი ბავ-
 შვები ტბას გარს უვლიდნენ, ლელს აშ-
 რიალებდნენ, ტბის თეთრ მარცხს კრე-
 ფდნენ. ტბა შორიდებული ბავშვივით
 გამოიყურებოდა. ბავშვებთან ლაპარაკი
 რომ არ შეეძლო, დუნდებოდა თითქოს.

მზე ჩავსვენა და ტბას ოქროს კაბა
 გახადა.

დაღონდა ტბა.

დაღამდა. პატარა ასკილის ახლადგა-
 შლილ თეთრ სურნელოვან ყვავილებს
 შორის ბულბული ჩაჯდა, თვალები მი-
 ლულა და დასტკინა.

ტბა ყურს უგდებდა. ნაპირზე თა-
 მამად ამოსული ლელის სალამურის
 სტვენა ეგონა.

ბულბულის სტვენაზე გახალისდა,
 ოდნავ ტალღები შეანძრია. სულ და-
 ვიწყდა, რომ ოქროს კაბა მზემ წაიღო.
 სევდა გადაიყარა და ბულბულის ტკბილ
 სტვენაზე და საღამოს ნიავის რხევაზე
 ბავშვივით წყნარად ჩაეძინა.

თამარ ჩერქეზიშვილი.



ყვავი და იაღონი

(მანინ—სინიჩინას)

ლობესთან ამოსულ მაღალ ხეზე იჯდა ყვავი და ნისკარტს იწმენდა. გაიწმინდა ნისკარტი. ასწია თავი და თავისი „საამური“ ხმით „ყვავია!“ შემოსძახა.

— ეშმაკმა წაიღო, შე შეათავა! ძილსაც აღარ მაცლი!—ბრაზობდა ციკუნია, რომელსაც ლობეზე ეძინა და ყვავის ჩხავილით შემკრთალი კინლამ ძირს ჩამოვარდა.—რა გაჩხავლებს, რა დაგეშართა?“

— დამეხსენ, ვერა ხედავ, რომ არ მცალია? მოსვენება არა მაქვს! ყვა-ყვა! ყვა-ყვა!

— მოიქანცა საწყალი! — დაცინვით ჩაიფრუტუნა ციკუნია.

— გაჩუმდი, შე ხარმაცო! შენ მანდ ლობეზე გძინავს და მზეს მიფიცებობხარ, მე კი დილიდან მოსვენება არა მაქვს: ათიოდე სახლის ბანზე ჩამოვჯექი, ნახევარი ქალაქი შემოვიფრინე, ყველა კუთხე და შესახვევი დავათვალიერე. აწ უნდა სამრეკლოზე ავფრინდე. მერე კი ბოსტნებში რაიმეს მოეჩიქინე... შენთან ბასსში დროს ტყუილად ვკარგავ, არა მცალია, დობილო, არა!

უკანასკნელად კიდევ დაიძახა „ყვა-ყვა“ და ის იყო აფრინდა, რომ დაინახა მომფრინავი ბელურების გუნდი, რომელიც ერთ ყვითელ ჩიტს მოსდევდა.

— ძმებო, დაიჭირეთ, არ გაუშვათ! — წიოდნ ბელურები.

— რა ამბავია, საით?—შეეკითხა ყვავი და ბელურების გუნდს ფრთის რამდენიმე მოქნევით თავში მოექცა.

ყვითელი ფრინველი, ძალაგამოცლილი, ერთ პატარა ბალჩაში ჩაეცა და ბელურებისაგან თავის დასაღწევად ერთ ჩირგვს მიაშურა. მაგრამ ვერ მოასწრო ბუჩქის ქვეშ შემრომა, რომ ყვავი მასთან გაჩნდა და საწყალ ფრინველს თავზე დასჩხავლა:

— ვინა ხარ?!

ფრთებმოკუმშული ბელურები ქვებივით დაიშვენ ბუჩქზე და ისე დაფარეს იგი, რომ ფოთოლიც არა ჩანდა. ისინი მიიწვედნენ ყვითელი ფრინველისაკენ, უნდოდათ მისი დაკორტნა.

— რას ერჩით, რატომ მოსდევდით?—შეეკითხა ყვავი ბელურებს, რადგან შეხედა, რომ ყვითელი ფრინველი დაღლილობისაგან ხმას ვერ იღებდა.

— როგორ თუ რას ვერჩით, მაშ რატომ არის იგი ყვითელი?—დაიწრობინეს ერთხმად ბელურებმა.

ყვავმა ახედ-დახედა და გაიფიქრა: „მართლაც მთლად ყვითელია“.

— თქვე თავხედებო! — დასჭყვილა ყვავმა ბელურებს,—ვერა ხედავთ, რომ ეს ფრინველი არაა? განა ასეთი ფრინველები არსებობენ? აბა ახლა მოაუსვით აქედან! მე უნდა მოველაპარაკო ამ ყვითელ საკვირველებას. ჩგი ფრინველი არ არის, მხოლოდ, ფრინველი ვარო, იჩემებს!

ბელურები გაბრაზდნენ, აწივწივდნენ, აეივვივდნენ, მაგრამ ყვავთან აბა რას გახდებოდნენ, იძულებული შეიქნენ აბარგულიყვნენ იქიდან.

გარეკა-რა ბელურები ყვავმა, დაუწყო ყურადღებით დათვალთვლება პატარა ყვითელ ფრინველს, რომელიც მძიმედ სუნთქავდა და შესაბრალისად შემოსტკეროდა თავისი შავი, პაწაწინტელა თვალებით.

— ვინ ხარ შენ, ასეთი საკვირველი არსება? — ჰკითხა ყვავმა.

— მე... იაღონი მქვია.

— აბა, ნუ მატყუებ, თორემ ცული დღე დაგადგება! რომ მე არა, ბელურები ცოცხალს არ გაგიშვებდენ!

— არ გატყუებ, მე იაღონი ვარ!

— საიდან მოხვედი?

— მე გალიაში ვცხოვრობდი... იქ დავიბადე და გავიზარდე. მე მუდამ მსურდა მეფრინა თავისუფლად, ისე, როგორც ფრენდენ სხვა ფრინველები. სხვები მხიარულობდნენ, გალიაში კი მოწყენილობა იყო. დღეს პატარა ლენამ, ჩემი პატრონის ქალიშვილმა, მომიტანა ფინჯნით წყალი. გააღო თუ არა გალიის კარი, იმწამსვე გარეთ გამოვფრინდი. დავიწყე ფრენა ოთახში, მერე ფანჯრიდან გარეთ, მინდორში გამოვფრინდი, სადაც ამ ბელურებს წავაწყდი.

— გალიაში რას აკეთებდი?

— მე კარგი ხმა მაქვს... ვგალობდი.

— აბა, იმღერე, ერთი.

იაღონმა იმღერა. ყვავმა თავი გვერდზე გადაიგდო და გაკვირვებით უთხრა:

— ამას ეძახი შენ სიმღერას? ხა-ხა! ხა-ხა! სულელები ყოფილან შენი პატრონები, თუ ასეთი სიმღერისათვის გკვებავდნენ! თუკი უნდოდათ მგალობელი ფრინველი ჰყოლოდათ, უნდა ჩემისთანა ფრინველი გამოეზარდათ. აი, მაგალითად, წელან ისე კარგად ვიმღერე, რომ გაიძვერა კატა კინლამ ღობიდან გადმოვარდა. აი სიმღერაც ამას ჰქვია! — და თავისი სიტყვების დასამტკიცებლად ყვავმა ისეთი „ყვა-ყვა“ დაიძახა, რომ საბრალო იაღონს თავზარი დაეცა.

— მე ვიცნობ კატას, საშინელი მხეცია, რამდენჯერ მოპარულა ჩემს გალიასთან და თათებით ჩემი დაქერა და გარეთ გამოთრევა უტლია!

— ზოგისთვის საშინელი მხეცია, ზოგისთვის კი არა. ხოლო ის რა რა მხეცია იძვერაა, ეს კი ცხადია... ამასვე შეძლებ ვილაპარაკოთ; მაგრამ მე მაინც არა მჯერა, რომ შენ ნამდვილად ფრინველი ხარ.

— კი, კი, ნამდვილი ფრინველი ვარ. ყველა იაღონი ფრინველია, — ფიცებოდა იაღონი.

— კარგი, კარგი... ენახოთ. მაგრამ რით იცხოვრებ ახლა?

— მე ცოტაც მეყოფა: ცოტა ფეტვი, შაქარი და ნამცხვარი.

— იფ! როგორი ქალბატონი ბრძანდებულხარ! უშაქროდაც კარგად გაძღებ, ფეტვს კი სადმე იშოვნი. საერთოდ, მე შენ მომწონხარ. გინდა იცხოვრო ჩემს ბუდეში?

— სიამოვნებით. ხოლო ბელურები..

— შენ ჩემთან იყავი და ვერაფერს გაგიბედავს თითის დაკარგვას. არა მარტო ბელურებმა, არამედ იმ გაიძვერა კატამაც კი იცის, რომ მე ხუმრობა მეზარება.

იაღონი სიხარულით გაფრინდა ყვავთან ერთად. ნახა ბუდე, საუცხოოა. ოღონდ ცოტა შაქარი და ნამცხვარი რომ იშოვებოდეს...

* *

დაიწყეს ერთ ბუდეში ტკბილად ცხოვრება ყვავმა და იაღონმა. ყვავი საერთოდ არ იყო ბოროტი ფრინველი. მისი მთავარი ნაკლი მეტისმეტი შურიანობა იყო:

— რით მჯობია მე სულელი ქათამი? არაფრით. იმას კი ჰკვებავენ, უვლიან, ეფერებიან, — შესწიოდა ყვავი იაღონს. — ანდა თუნდაც მტრედები ავიღოთ... რა სასარგებლოა ისინი, მაგრამ ფანჯრებიდან მაინც ბლუჯით უყრიან საკენკს. მე რომ მივიღე და კენკვა დაუწყე, — ყველა გამომედევნება დასაფრთხოებად. ვანა ეს სამართალია? ყველა მიჯავრდება და მეძახის; „აი შე ყვაო!“ შენც კი შეამჩნედი, რომ მე სხვა ფრინ-

ველებზე უკეთესი ვარ და ლამაზი, განა ეს მართალი არაა?

— დიალ, შენ დიდი ფრინველი ხარ! — ეთანხმებოდა იაღონი.

— ჰყავთ თუთიყუშები და კაქკაქები გალიაში და უვლიან მათ, — განაგრძობდა ყვავი. — რით მჯობნის თუთიყუში მე? საშინელი ფრინველია, მეტი არაფერი! იცის მხოლოდ ყვირილი და ბურღულული. რას ბურღულულობს, იმას კი ვერაფერს ვაიგებ. სწორია ხომ?

— დიალ, სწორი ვახლავსთ! ჩვენთანაც ჰყავდათ თუთიყუში და ყველას თავი მოაბეზრა.

— განა ცოტაა ისეთი ფრინველი, რომელიც ცხოვრობს და არაფერს იცის რისთვის? შოშიები მოფრინდებიან გიჟური ჟივილ-ხივილით საიდანდაც, იცხოვრებენ ზაფხულის განმავლობაში და მერმე ისევ გაფრინდებიან. ასევეა მერცხლები, წყალწყალები და ბულბულები. ამათგან არცერთი არ არის ნამდვილი, სერიოზული ფრინველი: როგორც კი აცივდება, ყველა თბილი ქვეყნებისაკენ მიიპარება.

პირველ ხანებში ყვავმა და იაღონმა ვერ გაუგეს ერთიმეორეს, ყვავს, არ ესმოდა, თუ რას ნიშნავდა ტყვეობაში სხვისი მოწყალებით ცხოვრება, იაღონს კი თავისუფლად, საკუთარი შრომით ცხოვრება ჯერ არ ენახა.

ნუთუ შენთვის არასოდეს საკენკი არ მოუწოდებიათ? — უკვირდა იაღონს. — ერთი მარცვლი მაინც?

— როგორი სულელი ხარ! მარცვლი კი არა, ქვითა და ჯოხით მომდევდენ. ადამიანები მეტად ბოროტნი არიან.

იაღონს ეს არ სჯეროდა, იგი ღრმად იყო დარწმუნებული, რომ ადამიანები არ არიან ბოროტნი, რადგანაც მას ნამცხვარსა და შაქარს აქმევდენ. მაგრამ მალე თითონვე დარწმუნდა, რომ ყვავი მართალს ამბობდა; ერთხელ ყვავი იჯდა ღობეზე. უცებ თავზე ზუზუნით გადაუარა ქვამ. ქუჩაში მოსწავლეები მიდიოდნენ და ქვა იმათ ესროლათ.

— აი, ახლა შეხედე? — ჰკითხა ყვავმა იაღონს და თან გულის დასამშვიდებლად სახლის სახურავზე მოფარებული ადგილას ჩამოჯდა.

— აი ასეთები არიან ადამიანები. აღარსად შემიძლია მოსვენებით დავჯდე, ყველა მემტყრება.

— შეიძლება დაუშავე რაიმე და იმიტომ გერჩიან?

— არა, მაინცადამაინც არაფერი დამიშავებია, მაგრამ მაინც ჩემს დანახავზე ბრაზდებიან.

იაღონს შეებრაღა უბედური ყვავი, რომელიც არავის უყვარდა. „ამგვარად ცხოვრება როგორ შეიძლება?“ — ფიქრობდა იგი. თითონ იაღონსაც მტრები საკმაოდ ჰყავდა: აი თუნდაც ციცუნია, რომელიც წინწყემორეული ათვლიერებდა ყველა ფრინველს, მოიგონებდა ძილს, და იაღონმა საკუთარი თვალვებით დაინახა, თუ როგორ დაიჭირა ერთი გამოუცდელი ბედურა და გაბდღვნა. უჰ, რა საზარელი სანახავი იყო! არა ნაკლებ საშიში იყო ქორი. იგი ფრენდა ჰაერში და ათვლიერებდა საკბილოს, რომელსაც ფრთებშეკუმშული დააცხრებოდა ქვასავით. იაღონმა ერთხელ დაინახა, რომ ქორს წიწილა მიყავდა. მარტო ქორი კი არა, თურმე ყვავიც მიერთმევედა წვრილ ფრინველებს. იაღონს პირველად ეს არ სჯეროდა, სანამ საკუთარი თვალვით არ დაინახა და არ დარწმუნდა. ერთ საღამოს მან დაინახა, რომ ბედურების მთელი გროვა საშინელი ჟივილ-ხივილით მოსდევდა ყვავს, რომელსაც ბრჭყალებში რალაც ეჭირა. იაღონს შეეშინდა და ბუდეში ჩაიმაღა.

— დატოვე, გაუშვი! — მოუსვენრად ჰქიოდნენ ბედურები, — ეს ყაჩაღობაა, რასა ჰგავს ეს?

ყვავი ჩაფრინდა ბუდეში, და იაღონმა შეძრწუნებით შენიშნა, რომ ყვავმა მოიტანა მკვდარი, გასისხლიანებული ბედურა.

— რას შერებით, ეს რა არის? — შეჰკვირა იაღონმა.



— ხმაჲ ჩაიკმინდე! — თვალების ბრიალით შეუტია ყვავმა. იაღონი კუთხეში მოიკუნტა და თვალები დახუჭა, რომ არ დაენახა, თუ როგორ დაუწყებდა ჭამას ყვავი უბედურ ბელურას. „როდესაც იქნება, იგი მეც ასევე შემქამს!“ — გაიფიქრა მან. ყვავმა ისაუზმა რა, ჩვეულებრივად კარგ ხასიათზე დადგა. გაიწმინდა ნისკარტი, მოიკალათა ბუდის გვერდით და დაიწყო თვლემბა. იაღონმა შენიშნა, რომ ყვავი გაუმაძღარი იყო და ამიტომ არათერს იწუნებდა: ხან ხორცის ნაჭერს გამოჩხრეკდა სადმე, ხან პურის ნატებს და ხან სხვადასხვა საჭმელების ნამცეცებს, რომელთაც პოულობდა სანაგვე ყუთებში. მას განსაკუთრებით ძლიერ უყვარდა სანაგვე ყუთების ქექვა, და იაღონს ძლიერ უკვირდა: რა სასიამოვნო იყო სანაგვე ყუთებში ნაგვის ქექვა. მაგრამ არც მთლად გასამტყუნარი იყო ყვავი: აბა რა ექნა, როცა ბევრი ჭამა სჭირდებოდა. იგი ოცჯერ მეტს ჭამდა, ვინემ იაღონი, და ამიტომ მთელი მისი ზრუნვა მიმართული იყო საჭმლის შოვნისაკენ. ყოველდღე დაჯდებოდა სახლის სახურავზე და ათვლიერებდა საკბილოს. როდესაც ყვავს შეეზარებოდა საჭმელის შოვნა, ძალადობასაც მიმართავდა. დანახავდარა, რომ ბელურები რალაცას ჩიჩნიდენ, თავს დააცხრებოდა, შეშინებული ბელურები აქეთ-იქეთ გაიფანტებოდნენ, თვითონ კი ჭამას შეუდგებოდა.

— ეს არ არის კარგი, — არიგებდა იაღონი ყვავს: — სხვისთვის საჭმელის წართმევა დანაშაულია.

— დანაშაულია? მაგრამ მე რომ მშია?

— სხვებსაც შიათ ალბათ!

— სხვები თავიანთ თავისათვის თვითონვე იზრუნებენ. მხოლოდ თქვენისთანა ნაზებს და სათუთ ჩიტებს კვებავენ გალიაში. ჩვენ კი თვითონვე უნდა ვიშოვნოთ საჭმელი. შენ გგონია ბევრი საჭმელი გჭირდებათ ან შენ, ან ბელურას? — აკენკავთ ორიოდ მარცვალს და მთელი დღე მაძღარი ხართ.

ზაფხული შემუხნველად გავიდა. მზეს სითბო მოაკლდა. დღეები დაბატარავდა. დაიწყო წვიმები. დაბერა ცივმა ქარმა. იაღონი თავისთავს ახლა ყველაზე უფრო უბედურ ფრინველად თვლიდა. განსაკუთრებით ცუდად გრძნობდა თავს წვიმიან დღეებში. ყვავი კი თითქოს ვერაფერს გრძნობდა.

— რად გეშინია წვიმის, იწვიმებს, იწვიმებს და ბოლოს გადიდებს, — ეუბნებოდა ყვავი იაღონს.

— ოჰ, მცივა, როგორ მცივა! განსაკუთრებით ცუდად გრძნობდა თავს იაღონი ღამღამობით, იგი მთლად ცახცახებდა სიცივისაგან. ყვავი კი უჯავრდებოდა:

— ერთი ამ მცივანას დამიხედეთ! მაშინ რალას იზამ, როდესაც სიცივეები დაიწყება და თოვლი მოვა? არა, მართალი იყვნენ ბელურები: შენ ფრინველი არ ხარ, თორემ აგრე მცივანა არ იქნებოდი. როგორი ფრინველი ხარ, თუ წვიმის და ქარის გეშინია? წვიმისა და ქარის სუსხის გარეშე ხომ თავისუფლად ცხოვრება არ შეიძლება მინდორში!

— კი, კი, ნამდვილი ფრინველი ვარ! — ცრემლიანი თვალებით არწმუნებდა იაღონი ყვავს, — მხოლოდ მცივა. რა ექნა, სიცივეს ვერ ვიტან!

— მე კი გგონია, რომ შენ ფრინველობას იგონებ მხოლოდ.

— არა, არ ვიგონებ!

ხანდახან იაღონი დაფიქრდებოდა თავის ბედზე. მგონი უკეთესი იყო გალიაში ცხოვრება. იქ ახლა სითბოც იქნებოდა და საჭმელიც. იგი რამდენიმეჯერ მიფრინდა მშობლიურ გალიასთან, სადაც უკვე ორი სხვა იაღონი იჯდა და შურით შემოსცქეროდნენ მას.

— ოხ, რა მცივა! — შესაბრალისად ჰიქჩიკებდა მივიწყებული იაღონი. — შემიშვით სახლში!

ერთხელ დილით იაღონმა გადმოიხედა ყვავის ბუდიდან და მოულოდნელი



საქართველოს
საბავშვო ჟურნალი

სანახაობისაგან გაოცდა. ღამით მიწა დაფარულიყო პირველი თოვლით. ირგვლივ ყველაფერი თეთრი იყო. თოვლმა დაფარა მარცვლები, რომლითაც იკვებებოდა იაღონი. დარჩა მხოლოდ კურკანტელა, რის ქამაც იაღონს არ შეეძლო. ყვავი კი იჯდა ბუჩქზე, კენკავდა კურკანტელას და გაიძახოდა:

— ახ, რა კარგი ხილია!
იაღონი მეტისმეტად შეწუხდა. ორი დღე გადიოდა, რაც არაფერი ექამა. „რა იქნება შემდეგ, ხომ მოვკვდი შიმშილით“ — ფიქრობდა უბედური.

იჯდა იაღონი და წუხდა. შეხედა — მორბინეს ბავშვებმა ბაღში, სადაც ერთხელ ქვით კინალამ მოკლეს ყვავი. მოაყარეს მიწაზე გემრიელი სელის მარცვლები, გამართეს ბაღე და გაიქცენ.

— როგორც ჩანს, ეს ყმაწვილები მთლად ბოროტი არ ყოფილან, — გაუხარდა იაღონს და ყვავს მიუბრუნდა: — ხედავ? ბავშვებმა საკენკი მომიტანეს!

— საკენკი! ჰმ, კარგია საკენკი, მხოლოდ იქ მისულაზე ფიქრსაც კი თავი დაანებე! გესმის? როგორც კი კენკას დაიწყებ, იმუამსვე ბაღეში ამოყოფ თავს!

— შემდეგ, შემდეგ რას მიზამენ?
— რასა და ხელახლად გალიაში ჩაგსვამენ, საიდანაც ძლივს დააღწიე თავი.

ჩავარდა იაღონი საგონებელში. ქამა უნდოდა, მაგრამ გალიაში მოხვედრა კი არა. მართალია, ამჟამად კიდეც სცივა და კიდეც შშია, მაგრამ სამაგიეროდ თავისუფლად ცხოვრობს. რამდენიმე დღეს შეიკავა თავი მან, მაგრამ შიმშილი ხუშრობა ხომ არაა! მიიტყუილა მარცვლებმა და... მოექცა ბაღეში.

— მიშველეთ, გამიშვით! არასოდეს ვიზამ; უშვარბესია შიმშილით სიკვდილი, ვინემ გალიაში ჯდომა!

იაღონს ახლა ეჩვენებოდა, რომ ყვავის ბუდეზე უკეთესი ადგილი არსად იყო. იქ, მართალია, სციოდა და შშიოდა კიდეც, მაგრამ სრული თავისუფალი იყო. „აი მოვლენ ყმაწვილები და ხელახლა გალიაში ჩამსვამენ“ — გაიფიქრა იაღონმა და დაიწყო ტირილი.

მის ბედზე ყვავი ახლოს დაფრინავდა და რა დანიხა, რომ მისი მეგობარი ბაღეში მოქცეულიყო, წამსვე მიფრინდა მასთან.

— აი, შე სულელო! აკი გეუბნებოდი არ მიგიტყუილოხ, თორემ ბაღეში გაგაბმენ მეთქი?

ყმაწვილები უკვე მორბოდნენ ნადავლის წასაყვანად, მაგრამ ყვავმა მოასწრო ბაღის გაგლეჯა და იაღონის განთავისუფლება.

— ახ, რა კარგია! — ხარობდა იაღონი ისევ თავის ბუდეში ჩამჯდარი.

— მაშ, მაშ, კარგია! ყვა-ყვა! — უმოწმებდა ყვავი, საკუთარი გმირობით გახარებული!

დაიწყო იაღონმა ცხოვრება ისევ ყვავის ბუდეში და ამიერიდან აღარ წუხდა აღარც სიცივეზე და აღარც შიმშილზე. ერთხელ ყვავი საზრდოს საშოვნელად სადღაც გაფრინდა. ღამე მინდორში გაათინა. დილით დაბრუნდა და შეხედა: წვეს გულაღმა, ფეხებამეყილი, სიცივისაგან გაფრინული იაღონი. ყვავმა ახედ-დახედა და წამოაყარანტაოა:

— აკი ვამბობდი, ფრინველი არ არის-მეთქი!

თარგ შოთა გაფრინდა შვილი-ს, მიერ.



რა მშენივრად მოიქარგა
და მოირთო ჩვენი ქუჩა,
რარვგ ამკობს ხეივანი,
ლამაზად რომ გაიფურჩქნა!

რა კარგია და რა სუფთა,
რომ ძველ ქუჩას სულაც არ გავს,
ყოველ დღით ადრე რწყავენ,
ვერსად ნახავ ქუქყს და ნავავს!

სულ აღარ აქვს ძველი სახე,
მოემატა სიგრძე, განი,
და მუშების ახალ სახლებს
ამკობს მწვანე ხეივანი!

როგორ მიყვარს ეს ხეები,
ვერ ვაშორებ გრძნობით თვალებს,
მოპარული ცელქი სიო
ტყესავით რომ აშრიალებს!

და მათ შორის მშენივრი
ასფალტია დაგებული...
რა კარგია! მიყვარს, მიყვარს!
სიხარულით მიცემს გული!

მახსოვს, წინათ ჩვენ ქუჩაზე
სახლები რომ იდგა ძველი,
წვიმის დროს კი ტალახისგან
იყო გავლა ძლიერ ძნელი.

დღეს კი სხვაა, წარიშალა,
არსად დარჩა ძველის კვალი,
ახლა ლამაზ სუფთა ქუჩით
ხარობს გული, ტკებვა თვალი.

დღეს სხვარივად მოიქარგა
და მოირთო ჩვენი ქუჩა,
ამკობს მწვანე ხეივანი,
ლამაზად რომ გაიფურჩქნა!

ნიკ. შველიძე.

წიგნზე გამარჯვებულნი

წელმა ისე გაიარა, რომ არც კი შეუმჩნე-
ვიათ ბავშვებს. შემოდგომაც იყო, ზამთარიც
გაქრა, გაზაფხულმაც გაიარა და ზაფხულიც მო-
დის.

კიდევ რამდენიმე დღე — და დაცალიერდება
სკოლის ედლები მომავალ სასწავლო წლამდის.
მიწყდება მოწაფეების ხმაური სკოლებში.

ზოგი კიდევ ზაფხულის განმავლობაშიაც ეს-
ტუმრება სკოლას, მაგრამ სკოლისთვის ეს შეუმ-
ჩნეველი იქნება, შედარებით იმ საერთო სი-
ცოცხლესთან, რომელიც მთელი წლის განმავ-
ლობაში სუფევდა სკოლაში.

აქ მათ სწავლაში გაატარეს მთელი წელი,
არ დაკლებიათ მზიარული გართობაც.

ახლა კი ტარდება მთელი წლის მუშაობის
შედეგების შემოწმება.

ადრე დაიწყეს სკოლებმა გამოცდებისათვის
სამზადისი. მოწაფეებიც ქალისის იჩენდენ, რომ

მომზადებულნი შეხედროდენ გამოცდებს. ამის
მაგალითებს წარმოადგენს დღევანდელი სურა-
თი სკოლებში.

მე-2 არასრული საშუალო სკოლაც მომზა-
დებული შეხვდა გამოცდებს. მასწავლებლებმა
მოწაფეებთან ერთად ჩაატარეს მუშაობა — სამ-
ზადისი გამოცდებისათვის. გამოყოფილ იქნა
ხედმეტი საათები სუსტ მოწაფეებთან სამეცა-
დინოდ, რამაც კარგი შედეგი გამოიღო. მაგ-
რუსულ სექტორში III კლ. მოწაფეები **ლ. და-
თუაშვილი**, **ტ. აკოფიანი** და **ლ. ეჯუბოვი**
ძალიან სუსტობდენ, მაგრამ წლის განმავლო-
ბაში მათ კარგ შედეგს მიაღწიეს, გამოსწორდენ.
ისინი ბუქსირზე ჰყავდა აყვანილი ამავე სკო-
ლის საუკეთესო მოწაფეს **ლ. ბაგდინოვას**.

ქართულ სექტორში: კარგი დისციპლინა აქვთ
და წარჩინებულ მოწაფეებად ითვლებიან **IV**
კლასში **გ. დონღუზაშვილი** **ვ. დვალი** და
ოთ. ზარდიაშვილი. დამკვრელი მოწაფეები,



მე-14 საშუალო სკოლის III-კ. მოწაფეები.

რომლებიც მთელი წლის განმავლობაში ცდილობდნენ სწავლაში წარმატებულნი ყოფილიყვნენ, არიან: ალადაშვილი, დოლიძე, სიხარულიძე, შომახია, კუჭუაშვილი და რატანი. სუსტ მოწაფეებს ამეცადინებდნენ: შ. შომახია, ეთ. ყოჩიშვილი, რუს. თოხაძე და ვ. კანკვეტაძე. სუსტებიც იყვნენ, მაგრამ მალე გამოსწორდნენ: ანდრონიკაშვილი, ბერიძე, მამუჩაშვილი, დვალი და ზარდიაშვილი.

* *

ვინა შევიძლიათ ჩამოთვლილთ ყველა სკოლა, სადაც მთელი წლის განმავლობაში ჩქეფდა მოზარდ ენთუზიასტთა სიცოცხლე! ყველა ცდილობდა კარგი ყოფილიყო.

აი თუ ვინ მე-14 საშუალო სკოლის მოწაფეები, რომლებიც მთელი წლის განმავლობაში ითვლებოდნენ დამკვრელ მოწაფეებად:

I კლასი — მ. მაქავარიანი, ზ. კაკაბაძე, ნ. გერსამია, არჩ. ბეგიაშვილი. გამოსწორდა სუსტი მოწაფე ლ. გაბუნია. „საინტერესოა ბოკუჩავა, — აღნიშნავს სასწავლო ნაწილის გამგე თ. გეგეჭკორი, — იგი სრულიად უცოდინარი იყო, მაგრამ წლის განმავლობაში მისთვის

ბეჯითობა გამოიჩინა, რომ წარდგენილია დასაჯილდოებლად“.

II კლასში ფრიადები აქვთ: ი. ნანეიშვილს, ლ. ლუხუტაშვილს, ტ. რიჯამაძეს, თ. აგბაძეს, ტ. თოფურიძეს, გ. ბახტაძეს.

გამოსწორდნენ: გ. კუბაბრია, ე. თეთრუაშვილი, თ. მამულაიშვილი, აკ. ზარდიაშვილი, მ. სააკაშვილი.

ასეთივე მდგომარეობაა უფროს ჯგუფებში: ზ. ახვლედიანს ყველა საგანში ფრიადები აქვს. ამეცადინებდა ერთ მოწაფეს. ფრიადებიანმა მოწაფემ თოფურიძემ გამოსწორა და თებაშვილი

VI კლასში აღსანიშნავია ლ. ნათაძე, არაჩვეულებრივი წარმატებისა და იშვიათი დისციპლინის მოწაფე. დიდი წარმატების მქონე მოწაფეებია აგრეთვე: ვიქინაძე და ლ. ჩაჩანიძე. VII კლასში გამოირჩევიან: ლ. გაბუნია და გ. ავეციხოვი.

ეს მაგალითებიც საკმაოა, რომ წარმოვიდგინოთ ჩვენი ახალგაზრდობის საერთო ბალისი და ენთუზიასტი სწავლაში გამარჯვებისა და პირველობის მოპოებისათვის.

მამია გიგაური.



ზაფხული დაიწყო. სწავლების ნორჩ ენ-
თუზიასტ დამკვრელებს დასასვენებლად
მიუხარიათ, ყველას უნდა სუფთა პაერი
და ბანაკებში მოწყობა. პიონერბანაკე-
ბისათვის გამოყენებულია ყველა ისეთი
ადგილი, სადაც ბავშვები უფრო მეტად
გაჯანსაღდებიან.

ლამაზად გაშლილი თეთრი კარვები
ამშვენებს საქართველოს კურორტებს,
სადაც ისმის ბანაკად გასული პიონერე-
ბის ყიჟინა.

ცემი გააღვიძა პიონერების ყრიაშულ-
მა. ცემის ბანაკს ირგვლივ ტყეები არტ-
ყია. შწვანე ფოთლებს თითქოს ორასი
პიონერის ხმა აშრიალებს.

სადაც ბორჯომის ხეობა იწყება, სა-
დაც მტკვარი თითქოს ახლად იბადება
და ქართლის თვალუწვდენ ველს გაუწ-
ვება, — იქ მოწყობილია ლამაზი თეთრი

კარვები. აქაც ორასი პიონერია. მალა-
ლი მთის ძირას გაშენებულ სოფელს ყო-
ველდღე სიხარულით ეფინება პიონერთა
საყვირის ხმები.

კიდევ მრავალ ადგილას არის პიო-
ნერბანაკები: აფხაზეთში, აჭარისტანში,
ქობულეთში, გორის რაიონში, სამხრეთ
ოსეთში, სიღნაღში, ჭიათურაში, ტყი-
ბულში, ზესტაფონში და სხვა რაიო-
ნებში.

ბანაკებში გაიგზავნენ სწავლების და-
მკვრელი ფრიადოსანი პიონერები, სანა-
ტორიუმებში კი ნაკლებად ჯანმრთელი
პიონერები.

წელს მთელი რესპუბლიკის მაშტა-
ბით ბანაკებში მოთავსებულია 3640 პიო-
ნერი — პირველ წყებაზე.

ლიდა საბახტარაშვილი

ბავშვთა შემოქმედება

გაზაფხული

გაზაფხულის ნიავე ქრის,
არხვეს ფოთლებს ახლად გაშლილს,
და სამოდ გული უჩანთ
ვარდ-ყვავილებს დილის ცვარში.

ლუსია ტაბუცაძე,

35 სრ. საშუალო სკ. V კლასის მოწაფე.

იმე გვიგაუს

შიო ჩვენი მომღერალი,
მგოსანი და ჩვენი მამა!
იგი მოკვდა, გარდიცვალა
ჩვენ აღარ გვყავს, არა, არა!

ბაშა მარაშვილი,

35 სრ. საშუალო სკოლის V კლასის მოწაფე.

მ ე ლ ა

ჩვენ საქათმეს რატომ ურბენ,
შე მსუნაგო კულა-მელა?
ამ ღამეში აქ რა გინდა,
რომ იტოდე, როგორ ბნელა!

* * *

სჯობს, წყნარად რომ გაიპარო
და წახვიდე უკან ისევ,
თორემ, ძაღლმა თუ გაგიგო,
ტყავს გაგაძრობს, მოგტენს კისერს.

კუჭური სუფისპირელი,

35 სრ. საშუალო სკოლის IV კლ. მოწაფე

გამოგონებელი



არდადეგებზე ზოოლოგიურ ბაღში წაიყვანეს ბავშვები. ბევრი ცხოველი და ფრინველი ნახეს იქ. გაიხარეს პატარებმა.

- რას აკეთებენ, დეიდა ტასო, ეს ცხოველები?
- იკითხა ეთერიკომ.
- არაფერს.

რატომ არაფერს არ აკეთებენ. აბა უსაქმოდ უნდა იყვნენ?!

— ბიჭიკო, მოდი მოგიფიქროსი, როგორ გამოვიყენოთ ეს ცხოველები...
მეორე დღეს თავის გამოგონება წარუდგინა დეიდა ტასოს ზურამ:

- აბა რა! უსაქმურად რატომ უნდა იყვნენ, ფიზიკულტურისათვის გამოვიყენოთ ისინი, — განაცხადა მან. დეიდა ტასო სიცილით კვდებოდა.


ს მ ო ც ა ნ ე ბ ო

№ 1

24 ცალი ასანთი დალაგეთ ისე, რომ მიიღოთ ცხრა თანასწორი კვადრატი, რომლებიც ერთად შეადგენენ ერთ კვადრატს; შემდეგ გამოაცალეთ 8 ც. ასანთი ისე, რომ დარჩეს მხოლოდ ორი კვადრატი.



№ 2



დედამ პატარა ელიკოს ნამცხვრის ერთი ასეთი ფორმის ნაჭერი მისცა და გაისტუმრა სკოლისაკენ (ნამცხვრის ფორმას მიაქციეთ ყურადღება). მაგრამ ელიკოს ორი ამხანაგი კიდევ პუავდა სკოლაში და საჭირო იყო სამივე პატარა მეგობარს გაეყო ერთმანეთში ეს ნამცხვარი ისე, რომ ყველას თანასწორი წილი რგებოდა. ასე გაყოფა, პირველი შე-

ხედვით, ძნელი აღმოჩნდა. მაგრამ მოფიქრების შემდეგ მაინც გაყო ელიკომ ნამცხვარი სამ თანასწორ ნაწილად.

აბა როგორ მოიქცა?